

宋
名
家
詞

東坡詞

目錄

陽關曲

三調

如夢令

五調

生查子

一調

昭君怨

一調

點絳脣

五調

浣溪沙

四十調

減字木蘭花

二十
四調

訴衷情

三調

菩薩蠻

二十
一調

採桑子

一調

卜算子

二
一調

好事近

三
一調

華清引 一調

謁金門 三調

清平樂 一調

雙荷葉 一調

更漏子 一調

占春芳 一調

烏夜啼 一調

阮郎歸 三調

虞美人影 一調

西江月 三調

少年遊 三調

瑤池燕 一調

南柯子 十九調

望江南 二調

浪淘沙 一調

鷓鴣天 二調

玉樓春

六調

南鄉子

十六調

鵲橋仙

二調

瑞鷓鴣

二調

翻香令

一調

虞美人

八調

一斛珠

一調

醉落魄

三調

臨江仙

十四調

蝶戀花

十六調

荷華媚

一調

漁家傲

六調

定風波

九調

十拍子

一調

蘇幙遮

一調

調笑令

一調

行香子

七調

青玉案

一調

帶人嬌

三調

江城子

十三調

千秋歲

一調

何滿子

一調

祝英臺近

一調

一鼓花

一調

皂羅特髻

一調

洞仙歌

二調

勸金船

一調

意難忘

一調

滿江紅

五調

滿庭芳

六調

水調歌頭

五調

雨中花慢

三調

八聲甘州 一調

醉蓬萊 一調

三部樂 一調

念奴嬌 二調

水龍吟 六調

歸朝歡 一調

永遇樂 三調

無愁可解 一調

沁園春 一調

賀新郎 一調

稍遍 二調

戚氏 一調

東坡詞目錄

終

東坡詞

宋蘇軾

陽關曲

中秋作本名小秦王入腔卽陽關曲

算雲收盡溢清寒銀漢無聲轉玉盤此生此夜
不長好明月明年何處看

又

中軍

受降城下紫髯郎戲馬臺南舊戰場恨君不取
契丹首金甲牙旗歸故鄉

東坡詞

汲古閣

又

李公擇
舊刻重出

濟南春好雪初晴
纔到龍山馬足輕
使君莫忘
霅溪女時作陽關腸斷聲

如夢令

元豐十年十二月十八日浴泗州
雅熙渝下戲作如夢令闕此曲本

唐莊宗製名憶仙姿嫌其名不雅故改
爲如夢令蓋莊宗作此詞辛章云如夢

如夢和淚出門相
送因取以爲名

水垢何曾相受
細看兩俱無
有寄語
揩背人盡
日勞君揮肘
輕手輕手
居士本來無垢

又

同前

自淨方能洗彼我自汗流呀氣寄語澡浴人且
英肉身遊戲但洗但洗俯爲人間一切

又

有寄

爲向東坡傳語人在画堂深處別後有誰來雪
壓小橋無路歸去歸去江上一犁春雨

又

春思

手種堂前桃李無限綠陰青子簾外百舌兒驚

起五更春睡居士居士莫忘小橋流水

又

題淮山樓

城上層樓疊巘城下清淮古汴舉手揖吳雲人
與算天俱遠魂斷魂斷後夜松江月滿

生查子

別

三度別君來此別真遲算白盡老髭鬚明日淮
南去酒罷月隨人淚溼花如霧後夜逐君還
夢繞湖邊路

昭君怨

送別

誰作相伊三弄驚破綠窗幽夢新月與愁煙滿
江天欲去又還不去明日落花飛絮飛絮送
行舟水東流

點絳脣

已巳重九和蘇堅○舊刻七首攷
醉漾輕舟又月轉烏啼俱泰淮海

作或云此二詞東坡有手迹流傳于世
遂編入東坡詞然亦安知非秦詞蘇字
耶今依宋

本刪去

我輩情鍾古來誰似龍山宴而今楚甸戲馬餘

東坡詞

汲古閣

飛觀 顧謂佳人不覺秋強半
簫聲遠鬢雲撩
亂愁入參差雁

又

庚午重九
再川前韵

不用悲秋今年身健還高宴
江村海甸總作空
花觀 尚想橫汾蘭菊紛相半
樓船遠白雲飛
亂空有年年雁

又

再和送
錢公承

莫唱陽關風流公子方終宴
泰山禹甸縹緲真

奇觀 北望平原落日山
銜半孤帆遠我歌君
亂一送西飛雁

又

杭州

閒倚胡床庾公樓外峰千朶
與誰同坐明月清風我別
乘一來有唱應須和還知
麼自從添箇風月平分破

又

或刻賀方回

紅杏飄香柳含煙翠拖金縷
水邊朱戶門掩黃

昏雨 燭影搖風一枕傷春緒
歸不去鳳樓何處芳草迷歸路

浣溪沙

新秋○舊刻四十五首放風壓帳
雲點水飛是李俊作玉梳水寒

滴露華是晏同叔作集刪去舊逸
晚菊花滿飲翠蟻一首今增入

風捲珠簾自上鉤
蕭蕭亂葉報新秋
獨攜纖手上高樓
缺月向人舒
窈窕三星當戶照
綢繆香生霧縠見纖柔

又

遊韞水清泉寺寺
臨隔溪溪水西流

山下蘭芽短浸溪松間沙路淨無泥蕭蕭暮雨
子規啼 誰道人生無再少門前流水尚能西
休將白髮唱黃雞

又

玄真子漁父云西塞山邊白鳥飛桃花
流水鱖魚肥青箬笠綠蓑衣斜風細雨
不須歸此語妙絕快莫能散者故增數
語今以浣溪沙散之○或刻黃山谷

西塞山邊白鷺飛散花洲外片帆微桃花流水
鱖魚肥 自鹿一身青箬笠相隨到處綠蓑衣
斜風細雨不須歸

又

十一月初二日雨後微雪太守徐君猷攜酒見過坐上作此詞沙三首明日酒醒

雪大作

作二首

覆塊青青麥未蘇
江南雲葉暗隨車
臨臯煙景世間無
雨脚半收簷斷綫
雪林初下瓦疎珠
歸來水顆亂黏鬚

又

前

醉夢昏昏曉未蘇
門前鞦韆使君車
扶頭一盞怎生無
廢圃寒蔬桃翠羽
小槽春酒凍眞珠

清香細細嚼梅鬚

又

前韻

雪裏餐氈例姓蘇使君載酒爲回車天寒酒色
轉頭無薦士已聞飛鶚表報恩應不用蛇珠
醉中還許攬桓鬚

又

再和前韻

半夜銀山上積蘇朝來九陌帶隨車潯江煙渚
一時無空腹有詩衣有結溼薪如桂米如珠

身北言
凍吟誰伴撚髭鬚

又

前韻

萬頃風濤不記蘇雪晴江上麥千單但令人飽
我愁無翠袖倚風縈柳絮絳脣得酒爛櫻珠
尊前呵手鉗霜鬚

又

九月九日二首

珠檜絲杉冷欲霜山城歌舞助淒涼且餐山色
飲湖光芙蓉挽朱轡畱半日強揉青蕊作重陽

不知明日爲誰黃

又

和前韻

霜鬢真堪插拒霜哀絃危柱作伊涼暫時流轉
爲風光未遣清尊空北海莫因長笛賦山陽
金釵玉腕瀉鵝黃

又

有感

傅粉郎君又粉奴莫教施粉與施朱自然冰玉
照香酥有客能爲神女賦憑君送與雪兒書

夢魂東去覓桑榆

又

詠橘

菊暗荷枯一夜霜
新苞綠葉照林光
竹籬茆舍出青黃
香霧噴人驚半破
清泉流齒怯初嘗
吳姬三日手猶香

又

公守湖辛未上元日作會於伽藍中時長老法惠在座人有獻剪伽花綵甚奇謂有初春興因作說

溪沙二首寄袁公濟

雪領霜髯不自驚
更將剪綵發春榮
羞顏未醉

已先頰 莫唱黃雞并白髮且呼張友喚殷兄
有人歸去欲卿卿

又

和蔣

料峭東風翠幕驚云何不飲對公榮水精盤瑩
玉鱗頰 花影莫辜三夜月朱顏未稱五年兄
翰林子墨主人卿

又

徐門石潭謝雨
道上作五首

照日深紅暝見魚連溪綠暗晚藏烏黃童白叟

裏皮詞

汲古閣

聚睢盱 麋鹿逢人雖未慣
猿猱聞鼓不須呼
歸家說與採桑姑

又

旋抹紅妝看使君
三三五五棘籬門
相挨踏破
舊羅裙
老幼扶攜收麥社
烏鳶翔舞賽神村
道逢醉叟臥黃昏

又

麻葉層層綠
葉光誰家煮繭
一村香
隔離嬌語

絡絲娘 垂白杖藜攙醉眼
桴青搗麩軟飢腸
問言豆葉幾時黃

又

蕪蕪衣巾落棗花
村南村北響縲車
牛衣古柳賣黃瓜
酒困路長惟欲睡
日高人渴謾思茶
敲門試問野人家

又

歡草平莎過雨新
輕沙走馬路無塵
何時收拾

耦畊身 日暝桑麻光似潑風來蒿艾氣如薰
使君元是此中人

又

春情

道字嬌訛苦未成未應春閣夢多情朝來何事
綠鬟傾 綵索身輕長趁燕紅窗睡重不聞鶯
困人天氣近清明

又

荷葉別
元素

縹緲危樓紫翠間良辰樂事苦難全感時懷舊

獨淒然 璧月瓊枝空
夜夜菊花人貌自年年
不知來歲與誰看

又

情亦

桃李溪邊駐画輪
鵝聲裏倒清尊
夕陽雖好近黃昏
香在衣裳妝在臂
水蓮芳草月連雲
幾人歸去不銷魂

又

花荷

四面垂楊十里荷
問云何處最花多
画樓南畔

夕陽和 天氣乍涼人寂寞
光陰須得酒消磨
且來花裏聽笙歌

又

贈閩丘朝議
時過徐州

一別姑蘇已四年
秋風南浦送歸船
画簾重見水中仙
霜鬢不須催我老
杏花依舊駐君顏
夜闌相對夢魂間

又

有贈

惟見眉間一點黃
詔書催發羽書忙
從教嬌淚

洗紅妝 上殿雲霄生羽翼論兵齒頰帶風霜
歸來衫袖有天香

又

憶舊

長記鳴琴子賤堂朱顏綠髮映垂楊如今秋鬢
數莖霜 聚散交遊如夢寐升沉閒事莫思量
仲卿終不避桐鄉

又

紹聖元年十月十三日與程帥令侯晉
叔婦安簿同汲遊大口寺野飲松下設
松黃湯作此闋余近釀酒名
萬家春蓋嶺南萬戶酒也

羅襪空飛洛浦塵
錦袍不見謫仙神
攜壺藉草亦天真
玉粉輕黃千歲藥
雪花浮動萬家春
醉歸江路野梅新

又重九

白雪清詞出坐間
愛君才器兩俱全
異鄉風景却依然
可恨相逢能幾日
不知重會是何年
茱萸子細更重看

又

元豐七年十月二十四日
從泗州劉倩叔遊南山

細雨斜風作曉寒
淡煙疎柳媚晴灘
人淮清洛
漸漫漫
雪沫乳花浮午盞
蓼芽蒿笋試春盤
人間有味是清歡

又

送梅庭老赴
潞州學官

門外東風雪灑裾
山頭回首望三吳
不應彈鋏
爲無魚
上黨從來天下脊
先生元是古之儒
時平不用魯連書

又

徐州藏春
閣園中

東坡詞

汲古閣

慚愧今年二麥豐
千畦翠浪舞晴空
化工餘力染天紅
歸去山公應倒載
關衙拍手笑兒童
甚時名作錦薰籠

又

楊州賞芍藥櫻桃

芍藥櫻桃兩鬪新
名園高會送芳辰
洛陽初夏廣陵春
紅玉半開菩薩面
丹砂穠點柳枝脣
尊前還有箇中人

又

贈楚守田詩詞小集

學画鷗兒正妙年陽城下蔡困嫣然憑君莫唱
短因緣霧帳吹笙香嫋嫋霜庭按舞月娟娟
曲終紅袖落雙纏

又

前韻

一夢江湖費五年歸來風物故依然相從一醉
是前緣遷客不應常眊使君爲出小嬋娟
翠鬟聊著小詩纏

又

端午

輕汗微微透碧紈
明朝端午浴芳蘭
流香漲膩滿晴川
綵線輕纏紅玉臂
小符斜挂綠雲鬟
佳人相見一千年

又

感舊

徐邈能中酒
聖賢劉伶席地幕青天
潘郎白璧爲誰運
無可奈何新白髮
不如歸去舊青山
恨無人借買山錢

又

適

傾蓋相逢勝白頭故山空復夢松楸此心安處
是菟裘 賣劍買牛真欲老乞漿得酒更何求
願爲辭社宴春秋

又

寓意和
前韻

炙手無人傍屋頭蕭蕭晚雨脫梧楸誰憐季子
敝貂裘 顧我已無當世望似君須向古人求
歲寒松栢肯驚秋

又

卽
事

東坡詞

画隼橫江喜再遊
老魚跳檻識清謳
流年未肯付東流
黃菊籬邊無悵
梨白雲鄉裏有溫柔
挽回霜鬢莫教休

又

方音

花滿銀塘水漫流
犀槌玉板奏涼州
順風環珮過秦樓
遠漢碧雲輕漠漠
今宵人在鵲橋頭
一聲敲徹絳河秋

又

端午

入袂輕風不破塵
玉簪犀壁醉佳辰
一番紅粉爲誰新
團扇只堪題往事
新絲那解繫行人
酒闌滋味似殘春

又

幾芙蓉梨到雪霜
一經題品便生光
木奴何處避雌黃
北客有來初未識
南金無價喜新嘗
含滋嚼句齒牙香

又

山色橫侵蘸暈霞
湘川風靜吐寒花
遠林屋散尚啼鴉
夢到故園多少路
酒醒南望隔天涯
月明千里照平沙

又

重陽○
舊刻逸

晚菊花前斂翠蛾
梅花傳酒緩聲歌
柳枝圍弱別離多
擁髻淒涼論舊事
曾隨識女度銀梭
當年今夕奈愁何

減字木蘭花

自錢塘被召休于中作聯字
有會坐中詩效出

落籍高瑩求從良子中呈東坡東坡求
筆爲減字木蘭花書黑後時用鄮容落
籍高瑩從良八字於句
端也兼贈潤守詩仲達

鄭莊好客容我尊前先墮憤落筆生風簾簾聲
名不負公 高山白早瑩骨冰膚那解老從此
南徐良夜清風月滿湖

又寓
意

雲鬢傾倒醉倚闌干風月好憑仗相扶誤入仙
家碧玉壺 連天衰草不走湖南西去道一舸

姑蘇便逐鷗夷去得無

又

荔枝

閩溪珍獻過海雲帆來似箭玉座金盤不貢奇
葩四百年 輕紅釀白雅稱佳人纖手擘骨細
肌香恰是當年十八娘

又

送東武令
趙晦之

賢哉令尹三仕已之無喜愠我獨何人猶把虛
名玷搢紳 不如歸去二頃良田無覓處歸去

來兮待有良田是幾時

又送別

主觴無味中有佳人千點淚
學道忘憂一念還
成不自由
如今未見端
去東園花似霰
一語
相開匹似當初本不來

又送趙令

春光亭下流水如今何在也
歲月如梭白首相
看擬奈何
故人重見世事年來千萬變
官況

關珊慚愧青松守歲寒

又

過吳興李公署
同舍客作此詞與之

惟熊佳夢釋氏老君曾抱送壯氣橫秋未滿三
朝已食牛 犀錢主果利市平分沾四座多謝
無功此事如何到得儂

又

得書

曉來風細不會鵲聲來報喜却羨寒梅先覺春
風一夜來 香牋一紙寫盡回紋機上意欲卷

重開讀徧千回與萬回

又

別

天台舊路應恨劉郎來又去別酒頻傾忍聽陽
關第四聲 劉郎未老懷戀仙鄉重得到只恐
因循不見如今勸酒人

又

錢塘西湖有詩僧清順居其上自名藏
春塢門前有二古松各有凌霄花絡其
上順常畫臥其下子瞻爲郡一日屏騎
從過之松風驟然順指落花覓句子瞻

爲賦

此詞

雙龍對起白甲蒼髯煙雨裏疎影微香下有幽
人畫夢長湖風清軟雙鶻飛來爭噪晚翠颯
紅輕時下凌霄百尺英

又

照小琴
琵琶

琵琶絕藝年記都來十一二撥弄么絃未解將
心指下傳主人嗔小欲向東風先醉倒已屬
君家且更從容等待他

又

立
春

春牛春杖無限春風來海上便與春工染得桃
紅似肉紅春幡春勝一陣春風吹酒醒不似
天涯捲起楊花似雪花

又

詞

雪容皓白破曉玉英紛似織風力無端欲學楊
花更耐寒相如未老梁苑猶能陪俊少莫惹
閒愁且折江梅上小樓

又

玉房金蕊宜在玉人纖手裏淡月朦朧更有微
微弄袖風 溫香熟美醉慢雲鬟坐兩耳多謝
春工不是花紅是玉紅

又

春月

春庭月午搖蕩香醪光欲舞步轉迴廊半落梅
花婉婉香 輕風薄霧總是少年行樂處不似
秋光只與離人照斷腸

又

贈勝之

天然宅院賽了千千并萬萬說與賢知表德元
來是勝之 今來十四海裏猴兒奴子是耍賭
休癡六隻骰兒六點兒

又 琴

神閒意定萬籟收聲天地靜玉指冰絃未動宮
商意已傳 悲風流水寫出寥寥千古意歸去
無眠一夜餘音在耳邊

又

銀箏旋品不用纏頭千尺錦妙息如泉一洗閒
愁十五年 爲公少止起舞屬公公莫起風裏
銀山擺撼魚龍我自閒

又

贈君猷
家姬

柔和性氣雅稱佳名呼懿懿解舞能謳絕妙年
中有品流 眉長眼細淡淡梳妝新綰髻懊惱
風情春著花枝百態生

又

鬢初解語最是一年春好處微雨如酥草色遙
看近却無 休辭醉倒花不看開人易老莫待
春回顛倒紅英間綠苔

又

江南遊女問我何年歸得去雨細風微兩足如
霜挽紵衣 江亭夜語喜見京華新樣舞蓮步
輕飛遷客今朝始是歸

又

贈徐若猷三
侍人 一 嫵卿

嬌多媚態體柳輕盈千萬態
帶玉尤寶歛黛含
嗔喜又嗔
徐君樂飲笑謔從伊情意恁臉嫩
膚紅花倚未闌髮住風

又

勝

雙鬟綠墜嬌眼橫波眉黛翠妙舞踰躑掌上身
輕意態妍
曲窮力困笑倚人旁香喘噴老大
逢歡昏眼猶能仔細看

又

慶

天真雅麗容態溫柔心性慧響亮歌喉過住行
雲翠不收 妙詞佳曲轉出新聲能斷續重客
多情滿勸金卮玉手擎

訴衷情 送述古
迂元素

錢塘風景古來奇太守例能詩先驅負弩何在
心已浙江西 花盡後葉飛時雨淒淒若爲情
緒更問新官向舊官啼

又 海棠○或
刻晏同叔

海棠珠綴一重重清曉近簾櫳
胭脂誰與勻淡偏向臉邊濃
看葉嫩憇花紅意無窮如花似
葉歲歲年年共占春風

又

琵琶女

小蓮初上琵琶絃彈破碧雲天
分明繡閣幽恨都向曲中傳
膚瑩玉鬢梳蟬綺窗前素娥今
夜故故隨人似鬪嬋娟

菩薩蠻

歌

繡簾高捲傾城出燈前
瀲灩橫波溢皓齒發清
歌春山入翠蛾
悽音休怨亂我已先偷玩梅
萼月窗虛纍纍一串珠

又

碧紗微露纖纖玉一曲雲和湘水綠
越調變新聲龍吟徹骨清
夜長殘酒醒頓覺霜袍冷不
見意中人新帝壓舊痕

又

西洲

秋風湖上蕭蕭雨使君欲去還畱住今日謾畱
君明朝愁殺人尊前千點淚灑向長河水不
用歛雙蛾路人啼更多

又

仇妓
住蘇

玉童西逐浮丘伯洞天冷落秋蕭瑟不用許飛
瓊瑤臺空月明清香凝夜宴借與韋郎看莫
便過姑蘇扁舟下五湖

又

閩

天憐豪俊□□□□□向松江滿□景爲淹
畱從君都占秋 身閒惟□□□□遊遊首帝
夢□□□□匆匆去時

又

代妓送
陳述古

娟娟缺月西南落想思撥斷琵琶索枕濕夢魂
中覺來眉暈重 画堂堆燭淚長笛吹新水醉
客各西東應思陳孟公

又

感
舊

東坡詞

二十四

汲古閣

玉笙不受珠脣暝離聲淒咽胸填滿遺恨幾千
秋恩畱人不畱他年京國酒泣淚攀枯柳莫
唱短因緣長安遠似天

又

新月

画簷初挂彎彎月孤光未滿先憂缺還認玉簾
鈎天孫梳洗樓佳人言語好不願求新巧此
恨固應知願人無別離

又

七夕

風迴仙口口開扇更關月墜星河轉枕上夢魂
驚曉簷疎雨零 相逢雖草草長共天難老終
不羨人間人間夜似年

又

寄有

城隅靜女何人見先生日夜歌彤管誰識蔡姬
賢江南顧彥先 先生那久困湯沐須名郡惟
有謝夫人從來見擬倫

又

買田陽羨吾將老從來只爲溪山好來往一虛
舟聊隨物外遊 有書仍懶著水調歌歸去筋
力不辭詩要須風雨時

又

同文

落花閒院春衫薄薄衫春院閒花落遲日恨依
依依依恨日遲 夢回鸞舌弄弄舌鸞回夢郵
便問人羞羞人問便郵

又

夏景
同文

火雲凝汗揮珠顆顆珠揮汗凝雲火瓊暝碧紗
輕輕紗碧暝瓊 暈腮嫌枕印印枕嫌腮暈閒
照晚妝殘殘妝晚照閒

又

回文

嶠南江淺紅梅小小梅紅淺江南嶠窺我向疎
籬籬疎向我窺 老人行即到到即行人老離
別惜殘枝枝殘惜別離

又

回文春
閨怨

翠鬟斜慢雲垂耳耳垂雲慢斜鬟翠春晚睡昏
昏昏睡晚春 細花梨雪墜墜雪梨花細顰
淺念誰人人誰念淺顰

又

回文男
閨怨

柳庭風靜人眠畫畫眠人靜風庭柳香汗薄衫
涼涼衫薄汗香 手紅冰腕藕藕腕冰紅手郎
笑藕絲長長絲藕笑郎

又

回文秋
閨怨

井梧雙照新妝冷冷妝新照雙梧井羞對井花
愁愁花井對羞影孤憐夜永永夜憐孤影樓
上不宜愁愁宜不上樓

又

同文冬
閨怨

雪花飛暎融香頰頰香融暎飛花雪欺雪任單
衣衣單任雪欺別時梅子結結子梅時別
不恨開遲遲開恨不歸

又

東坡詞

二十七

汲古閣

娟娟侵鬢妝痕淺
雙顰相媚嚬
如剪一瞬百般
宜無論笑與啼
酒闌思翠被
特故騰騰地生
怕促歸輪
微波光泥人

又

詠足

塗香莫惜蓮承步
長愁羅襪凌波去
只見舞迴
風都無行處蹤
偷穿宮樣穩
竝立雙趺困纖
妙說應難須從掌上看

又

玉環墜耳黃金飾，輕衫罩體香羅碧。緩步因春
醪，春融臉上桃。花鈿從委地，誰與郎爲意。長
愛月華清，此時憎月明。

採桑子

潤州東景樓與
孫巨源相過

多情多感仍多病，多景樓中樽酒相逢。樂事回
頭一笑空。停盃且聽琵琶語，細撚輕攏醉臉
春融。斜照江天一抹紅。

卜算子

送
孫巨源

蜀客到江南長憶吳山好吳蜀風流自古同
歸去應須早還與去年人共藉西湖草莫惜尊
前仔細看應是容顏老

又

惠州有溫都監女頗有色年十六不肯
嫁人間坡主甚喜每夜開坡詠詠則徘徊
窗下坡覺而推窗則其女踰牆而去
坡從而物色之曰吾當呼王郎與之子
為媼未幾而坡過海女遂卒葬

於連灘側坡詞惠為賦此詞

缺月挂疎桐漏斷人初靜時見幽人獨往來
縹緲孤鴻影驚起却回頭有恨無人省揀盡寒

枝不肯樓寂寞沙洲冷

一刻樹落
吳江冷

好事近

送君
繼

紅粉莫悲啼俯仰半年離別看取雪堂坡下老
農夫淒切明年春水漾桃花柳岸隘舟楫從
此滿城歌吹看黃州闕咽

又

元刻
不載

煙外倚危樓初見遠燈明滅却跨玉虹歸去看
洞天星月當時張范風流在況一樽浮雪莫

問世間何事與劔頭微映

又

詞上

湖上雨晴時秋水半篙初沒朱檻俯窺寒鑑照
衰顏華髮 醉中欲墮白綸巾溪風漾流月獨
棹小舟歸去任煙波飄兀

華清引

感舊

平時十月幸蓮湯玉甃瓊梁五家車馬如水珠
璣滿路旁 翠華一去掩方床獨留煙樹蒼蒼

至今清夜月依舊過繚牆

謁金門

伏夜

秋帷裏長漏伴人無寐低玉枕涼輕繡被一番
秋氣味曉色又侵窗紙窗外雞聲初起聲斷
幾聲還到耳已明聲未已

又

秋興

秋池閣風飭曉庭簾幙霜葉未衰吹未落半驚
鴉喜鵲自笑浮名情薄似與世人疎略一片

嬾心雙嬾脚好教閒處著

又

秋感

今夜雨斷送一年殘暑坐聽潮聲來別浦明朝
何處去 辜負金尊綠盃來歲今宵圓否酒醒
夢回愁幾許夜闌還獨語

清平樂

秋詞

清淮濁汴更在江西岼紅旆到時黃葉亂霜入
梁王故苑 秋原何處攜壺停驂訪古跡雙

廟遺風尚在漆園傲吏應無

雙荷葉

雙溪月清光偏照雙荷葉
雙荷葉紅心未偶綠
衣偷結 背風迎雨淚珠滑
輕舟短棹先秋折
先秋折煙鬟未上玉盃微缺

更漏子

山孫
巨源

水涵空山照市西漢二疎鄉
望新白髮舊黃金
故人恩義深 海東頭山盡處
自古客槎來去

樵有信赴秋期使君行不歸

占春芳

紅杏了天桃盡獨自占春芳不比人間蘭麝自
然透骨生香對酒莫相忘似佳人兼合明光
只憂長笛吹花落除是寧王

烏夜啼

寄遠

莫怪歸心甚速西湖自有蛾眉若見故人須細
說白髮倍當時小鄭非常強記二南依舊能

詩更有鱸魚堪切膾兒輩莫教知

阮郎歸

初夏

綠槐高柳咽新蟬薰風初入絃
碧紗窗下水沉煙
棊聲驚畫眠
微雨過小荷翻
榴花開欲然
玉盆纖手弄清泉
瓊珠碎又圓

又

某句梅花。舊重刻醉桃源
香腮作宮批算春作算雲

暗香浮動月黃昏
堂前一樹春
東風何事入西
鄰兒家常閉門
雪肌冷玉容真
香腮粉未勻

東坡詞

三十二

汲古閣

折花欲寄隴頭人
江南日暮春

又

蘇州席
上作

一年三度過蘇臺
清尊長是開
佳人相問苦相猜
這回來不來
情未盡
老先催
人生真可咍
他年桃李阿誰栽
劉郎雙鬢摧

虞美人

影苒
春

華胥夢斷人何處
聽得鶯啼紅樹
幾點薔薇香
雨寂莫
閒庭戶
暝風不解畱
花住
片片著人

無數樓上望春歸去芳草迷歸路

西江月

真覺賞
瑞香

公子眼花亂發老夫鼻觀先通領巾飄下瑞香
風驚起謫仙春夢 后土祠中玉蕊蓬萊殿後
鞞紅此花清絕更纖穠把酒何人心動

又

坐客見和
復次韻

小院朱欄幾曲重城畫鼓三通更看微月轉光
風歸去香雲入夢 翠袖爭浮大白皁羅半揜

斜紅燈花零落酒花穠
妙語一時飛動

又

再用前韻戲曹子方坐客云瑞香爲茶丁香途以此曲辯證之

恠此花枝怨泣託君詩句名
通憑將草木記吳風
繼取相如雲夢點筆袖沾醉墨
謗花面有慙紅知君却是爲情穠
怕見此花撩動

又

聞道雙銜鳳帶不妨單著鮫綃
夜香知與阿誰燒
悵望水沉煙裊雲鬢風雲綠
卷玉顏醉裡

紅潮莫教空度可憐宵月與佳人共撩

又

真九

點點樓頭細雨重重江外平湖當年戲馬會東
徐今日淒涼南浦莫恨黃花未吐且教紅粉
相扶酒闌不必看茱萸頰仰人間今古

又

送茶并谷藤與王勝之

龍焙今年絕品谷簾自古珍泉雪芽雙井散神
仙苗裔來從北苑湯發雲腴釀白盞浮花乳

輕圓人間誰敢更爭妍
闌取紅窗粉面

又

姑熟再見勝之次前
韻○或刻山谷詞

別夢已隨流水淚巾猶裏香泉相如依舊是臞
仙人在瑤臺閬苑花霧縈風縹緲歌珠滴水
清圓蛾眉新作十分妍走馬歸來便面

又

黃川
中秋

世事一場大夢人生幾度秋涼夜來風葉已鳴
廊看取眉頭鬢上酒賤常愁客少月明多被

雲妨中秋誰與共孤光把醖凄然北望

又

送錢待制

莫歎平原落落且應去魯遲遲與君各記少年
時須信人生如寄白髮千莖相送深盃百罰
休辭拍浮何用酒爲池我已爲君德醉

又

梅花

玉骨那愁瘴霧冰肌自有仙風海仙時遣探芳
叢倒掛綠毛么鳳素面翻嫌粉澹洗妝不褪

脣紅高情已逐曉雲空不與梨花同夢

惠州梅花上珍

窗日倒掛子似

綠毛鳳而小

又

春夜行蘄水中過酒家飲酒醉乘月至一溪橋上解鞍曲肱少休及覺已曉

山慈蘿不謂人世也

書此詞於橋柱上

照野瀾瀾淺浪橫空曖曖微霄障泥未解玉驄
驕我欲醉眠芳草可憐一溪明月莫教踏碎
瓊瑤解鞍欹枕綠楊橋杜宇數聲春曉

又

平山堂

三過平山堂下半生彈指聲中十年不見老仙
翁壁上龍蛇飛動欲吊文章太守仍歌楊柳
春風休言萬事轉頭空未轉頭時皆夢

又

蘇州交代林
子中席上作

昨日扁舟京口今朝馬首長安舊官何物與新
官只有湖山公案此景百年幾變箇中下語
千難使君才氣卷波瀾與把新詩判斷

少年遊

端午贈黃
守徐君猷

銀塘朱檻麴塵波圓綠卷新荷蘭條薦浴菖花
釀酒天氣尚清和好將沉醉酬佳節十分酒
十分歌獄草煙深訟庭人悄無恡宴遊過

又

黃之僑人郭氏每歲正月迎紫姑神以
箕爲腹著爲口畫灰盤中爲詩敏捷立
成余往觀之神請予作
以年遊乃以此戲之

玉肌鉛粉傲秋霜準擬鳳呼凰伶倫不見清香
未吐且糠粃吹揚到處成雙君獨隻空無數
爛文章一點香檀誰能偕箸無復似張良

又

鼎州作

去年相送餘杭門外飛雪似楊花今年春盡楊
花似雪猶不見還家對酒捲簾邀明月風露
透窗紗恰似嫦娥憐雙燕分明照画梁斜

瑤池燕

琴曲有瑤池燕其詞自闕恐寄陳下常

飛花成陣春心困寸寸別腸多少愁悶無人問
偷啼自搵殘妝粉抱瑤琴尋出新韻玉纖趁
南風未解幽愠低雲鬢眉峰斂暈嬌和恨

東坡詞

南柯子

陸賞

山與歌眉斂
波同醉眼流
遊人都上十三樓
不羨竹西歌吹古揚州
孤黍連昌歎瓊彝倒玉
舟誰家水調唱歌頭
聲繞碧山飛去晚雲留

又

湖景和
前韻

古岸開青葢
新渠走碧流
會看光滿萬家樓
記取他年扶路入西州
佳節連梅雨
餘生寄葉舟
只將菱角與雞頭
更有月明千頃一特留

又

萬意

雨暗初疑夜風回忽報晴
淡雲斜照著山明
細草軟沙溪路馬蹄輕
卯酒醒還困仙材夢不
成
藍橋何處覓雲英
只有多情流水伴人行

又

和前韻

日出西山雨無晴
又有晴亂山深處過清明
不見綵繡花板細腰輕
盡日行桑野無人與目
成
且將新句琢瓊英
我是世間閑客此閒行

東坡詞

又

再用
前韵

帶酒衝山雨和衣睡晚晴不知鐘鼓報天明
夢裏栩栩然蝴蝶一身輕老去才都盡
歸來計未成
求田問舍笑豪英
自愛湖邊沙路免泥行

又

晚春

日薄花房綻風和麥浪輕
夜來微雨洗郊坰正
是一年春好近清明
已改煎茶火猶調入粥
餽使君高會有餘清
此樂無聲無味最難名

又

八月十八日觀潮

海上乘槎侶，仙人萼綠華。飛昇元不用丹砂。住
在潮頭來處，渺天涯。雷輓夫差國，雲翻滬若
家。坐中安得弄琴牙。寫取餘聲，端向水仙誇。

又

再用前韻

苒苒中秋過，蕭蕭兩鬢華。寓身化世一塵沙。笑
看潮來潮去了，了生涯。方士三山路，漁人一葉
家。早知身世兩聲牙。好伴騎鯨公子賦雄誇。

東坡詞

汲古閣

又

東坡守錢塘無日不在西湖嘗攜妓講大通禪師大通慳形於色東坡作長短

何令妓

歌之

師唱誰家曲宗風嗣阿誰借君拍板與門槌我
也逢場作戲莫相疑溪女方偷眼山僧莫
睂却愁彌勒下生遲不見老婆三五少年時

又

別潤州許仲達

欲執河梁手還升月旦堂酒闌人散月侵廊北
客明朝歸去雁南翔窈窕高明玉風流鄭季

莊一時分散水雲鄉惟有落花芳草斷人腸

又

湖州

山雨瀟瀟過溪橋瀏瀏清小園幽榭枕蘋汀門
外月華如水綠舟橫 砧砧霜花盡江湖雪陣
平兩山遙指海門青回首水雲何處覓孤城

又

昇春

紫陌尋春去紅塵拂面來無人不道看花回惟
見石榴新蕊一枝開 冰籠堆雲髻金樽灑玉

醅綠陰青子莫相催
照取紅巾千點照池臺

又

黃州臘月八日
飲懷民小閣

衛霍元勛後韋平外族賢
吹笙只合在緱山閒
駕練鸞歸去赴新年
煖燠燒香閣輕寒浴佛
天他時一醉画堂前
莫忘故人顛顚老江邊

又

有感

笑約舊薇習行憂寶瑟僵
美人依約在西廂
只恐暗中迷路認餘香
午夜風翻幔
更月到

床簾紋如水玉肌涼何物與儂歸去有殘教

又感舊

才恨誰云短綿綿豈易裁半年眉綠未曾開
月好風閒處是人猜 春雨消殘凍溫風到冷
灰樽前一曲爲誰哉畱取曲終一拍待君來

又

樂守周律出聲哀
因作二首贈之

紺綰雙蟠髻雲歛小偃巾輕盈紅臉小腰身疊
鼓忽催花拍鬪精神 空澗輕紅歛風和約柳

東坡詞

及古詞

春蓬山才調最清新勝似纏頭千錦芙蓉藏珍

又同
前

琥珀裝腰佩龍香入領中只應飛燕是前身芙蓉
看剝葱纖手舞凝神柳絮風前轉梅花雪裏
春鴛鴦翡翠兩爭新但得周郎一顧勝珠珍

又舞
妓

雲鬢裁新綠霞衣曳曉紅待歌凝立翠筵中一
翠彩雲何事下巫峰 趁拍鸞飛鏡回身燕藻

空莫翻紅袖過簾櫳怕被楊花勾引嫁東風

又

見說東園好能消北客愁雖非吾土且登樓行
盡江南南畔此淹留短日明楓纈清霜暗菊
毵流年回首付東流憑仗挽回潘鬢莫教秋

望江南

春未老風細柳斜斜試上超然臺上看半壕春
水一城花煙雨暗千家寒食後酒醒却咨嗟

休對故人思故國且將新火試新茶詩酒趁年華

又

春

春已老春服幾時成曲水浪低蕉葉穩舞雪風軟
芋羅輕酬詠樂昇平微雨過何處不催畊
百舌無言桃李盡柘枝深處鶉鴉鳴春色屬蕪菁

浪淘沙

春

昨日出東城試探春情牆頭紅杏暗如傾檻內
羣芳芽未吐早已回春綺陌斂香塵雪霽前
村東君用意不辭辛料想春光先到處吹綻梅
英

鷓鴣天

昨讀黃川○舊刻三首及西塞山
前白鷺飛一首是黃山谷作今刪

去

林斷山明竹隱牆亂蟬衰草小池塘翻空白鳥
時時見照水紅蕖細細香村舍外古城傍杖

蔡徐步轉斜陽慙慙昨夜三更雨又得浮生一

日涼

又

陳公密出侍兒素娘歌紫玉簫曲
勸老人酒老人飲盡因爲賦此詞

笑撚紅牙彈翠翹揚州十里最妖嬈夜來綺席
親曾見撮得精神滴滴嬌嬌後眼舞時腰劉
郎幾度欲魂消明朝酒醒知何處腸斷雲間紫
玉簫

玉樓春

次歐公
西湖詞

霜餘已失長淮闊空聽潑潑清瀨咽佳人猶唱
醉翁詞四十三年如電抹草頭秋露流珠滑
三五盈盈還二八與子同是識翁人惟有西湖
波底月

又

次馬中
玉韻

知君仙骨無寒暑千載相逢猶且算故將別語
惱佳人要看梨花枝上雨落花已逐迴風去
花本無心鴛自訴明朝歸路下塘西不見鴛啼

花落處

又

宿造口聞夜雨
寄子由才叔

梧桐葉上三更雨，驚被夢魂無覓處。
夜涼枕簟已知秋，更聽寒蛩促機杼。
夢中歷歷來時路，猶在江亭醉歌舞。
尊前必有問君人，爲道別來心與緒。

又

元宵似是歡遊好，何況公庭民訟少。
萬家遊賞

上春臺十里神仙迷海島 平原不似高陽傲
促席雍容陪語笑坐中有客最多情不惜玉山
拚醉倒

又

經旬未識東君信一夕薰風來解慍紅綃衣薄
麥秋寒綠綺韻低梅雨潤 瓜頭綠染山光嫩
弄色金桃新傅粉日高慵捲水晶簾猶帶春醪
紅玉困

又 上三調元
刻不載

高平四面開雄壘三月風光初覺媚園中桃李
使君家城上亭臺遊客醉 歌翻楊柳金尊沸
飲散凭闌無限意雲深不見玉關遙草細山重
殘照裏

南鄉子

春情

晚景落瓊盃照眼雲山翠作堆認得岷峨春雪
浪初來萬頃蒲萄漲綠醅 暮雨暗陽臺亂灑

高樓溼粉牕
一陣東風來捲地
吹迴落照江天
一半開

又

梅花詞和
楊元素

寒雀滿疎籬
爭抱寒柯看玉糝
忽見客來花下
坐驚飛踏散芳英
落酒卮
痛飲又能詩
坐客
無羶醉不知
花盡酒闌春到也
離離一點微酸
已著枝

又

席上勸李
公擇酒

不到謝公臺
明月清風好在哉
舊日緝孫何處
去
重來短李風流更上才
秋色漸摧頽
滿院黃英映酒盃
看取桃花春二月
爭開盡是劉郎
去後燕

又

重九酒輝
呈徐君猷

霜降水痕收
淺碧鱗鱗露遠洲
酒力漸消風力
軟
颼颼破帽多情却戀頭
佳節若爲酬
但把清尊斷送秋
萬事到頭都是夢
休休明日黃花

蝶也愁

又

送述古

回首亂山橫不見居人只見城誰似臨平山上
墖亭亭迎客西來送客行臨路晚風清一枕
初寒夢不成今夜殘燈斜照處熒熒秋雨晴時
淚不晴

又

有感

冰雪透香肌姑射仙人不似伊濯錦江頭新樣

東坡詞

錦非宜故著尋常淡薄衣
暝日下重幃春睡
香凝索起遲曼倩風流綠底事常時愛被西真
喚作兒

又

和楊元宗

東武望餘杭雲游天涯兩杳茫何日功名遂
了還鄉醉笑陪公三萬場不用訴離觴痛飲
從來別有腸今夜送歸燈火冷河塘墮淚羊公

郵姓楊

又
述目

涼簟碧紗幙一枕清風晝睡餘臥聽晚衙無一
事徐徐讀盡牀頭幾卷書搔首賦歸歎自覺
功名懶更疎若問使君才與術何如占得人間
一味愚

又

本堂編文上出原無王作胡琴
送元常還朝同子詩各賦一首

裙帶石榴紅却水慙慙解贈儂應許逐雞雞莫
怕相逢一點靈犀必暗通何處遇良工琢刻

天真半欲空願作龍香雙鳳撥輕籠長在環兒
白雪胷

又

贈行

旌旆滿江湖詔發樓船萬舳艫投筆將軍因笑
我迂儒怕首腰刀是丈夫粉淚怨離居喜子
垂窗報捷書試問伏波三萬語何如一斛明珠
換綠珠

又

雙荔枝

天與化工知賜得衣裳總是緋每向華堂深處
見憐伊兩箇心腸一片兒 自小便相隨綺席
歌筵不暫離若恨人人分析破東西怎得成
似舊時

又

集
詞

寒玉細凝膚

吳

清歌一曲倒金壺

鄭

杏葉菖條

徧相識

李商
隱

爭如豆蔻花梢二月初

杜牧

年少

卽須臾

白居易

芳時偷得醉工夫

白居易

羅帳細垂

銀燭背

韓

濕歡娛豁得平生俊氣無

杜牧

又

集

悵望送春盃

杜牧

漸老逢春能幾回

杜甫

花滿楚城

愁遠別

許渾

傷懷何況清絲急管催

劉禹錫

吟斷

望鄉臺

李商隱

萬里歸心獨上來

許渾

景物登臨閒

始見

杜牧

徘徊一寸相思一寸灰

李商隱

又

集

何處倚闌干

杜牧

絃管高樓月正圓

杜牧

蝴蝶夢中

家萬里

崔塗

依然老去愁來強自寬

杜甫

明鏡借

紅顏

李商隱

須著人間比夢間

韓愈

蠟燭半籠金翡翠

翠

李商隱

更闌繡被焚香獨自眠

許渾

又

用韻和道輔

未倦長卿遊漫舞天歌爛不收不是使君能矯

世誰畱教有瓊梳脫麝油香粉縷金裘花豔

紅箋筆欲流從此丹脣并皓齒清柔唱遍山東

百州

又

用前韻贈田叔通家舞鬟

繡鞅玉鑲遊燈晃簾疎笑却收久立香車催欲
上還畱更且檀屏點杏油 花遍六么毬面旋
迴風帶雪流春入腰肢金縷細輕柔種柳應須
柳柳州

鵲橋仙

七夕

緱山仙子高情雲渺不學癡牛騃女鳳簫聲斷
月明中舉手謝時人欲去 客槎曾犯銀河微

浪尚帶天風海雨相逢一醉是前緣風雨散飄
然何處

又

七夕和
蘇堅韻

乘槎歸去成都何在萬里江沱漢漾與君各賦
一篇詩畱織女鴛鴦機上還將舊曲重賡新
韻須信吾儕天放人生何處不兒嬉看乞巧未
樓綵舫

瑞鷓鴣

觀潮

碧山景下小紅樓
曉見江南踏浪兒
拍手欲嘲山簡醉
齊聲爭唱浪蕩詞
西興渡口帆初落
漁浦山頭日未欹
儂欲送潮歌底曲
尊前還唱使君詩

又

城頭月落尚啼烏
朱艦紅船早滿湖
鼓吹未容迎五馬
水雲先已漾雙鳧
映山黃帽螭頭舫
夾岸青煙鵲尾爐
老病逢春只息睡
獨求僧榻

寄須臾

翻香令

金爐猶暝麝煤殘
惜香更把寶釵翻
重聞處餘
熏在這一番氣味勝從前
背人偷蓋小蓬山
更將沉水暗同爇
且圖得氤氲久爲情深嫌怕
斷頭煙

虞美人

琵琶

定場賀老今何在
幾度新聲改
新聲坐使舊聲

闌俗耳只知繁手不須彈
斷弦試問誰能曉
七歲文姬小試教彈作
鞞雷聲應有開元遺老
淚縱橫

又

送馬中玉
元刻

歸心正似三春草
試著萊衣小橘懷
幾日向翁
開懷祖已嗔文度
不歸來
禪心已斷人間愛
只有平交在
笑論瓜葛一枰同
看取靈光新賦
有家風

又

陳述古守杭已及瓜代未交前數日宴僚佐於有美堂因請賦車蘇子瞻賦詞

子瞻即席而就

寄柳破廬美人

湖山信是東南美一望須千里使君能得幾回
來使使樽前醉倒且徘徊沙河塘裏燈初上
水調誰家唱夜闌風靜欲歸時惟有一江明月
碧琉璃

又

東坡與秦少游維揚飲別作此詞○或刻賀方回或刻黃山谷或刻秦淮海或

刻晏

小山

東坡詞

汲古閣

波聲拍枕長淮曉隙月窺人小無情汴水自東
流只載一船離恨向西州竹溪花浦曾同醉
酒味多於淚誰教風鑑在塵埃醞造一場煩惱
送人來

又

落花已作風前舞又送黃昏雨曉來庭院半殘
紅惟有遊絲千丈裊晴空慙慙花下重攜手
更盡盃中酒美人不用歛歌眉我亦多情無奈

酒闌時

又

冰肌自是生來瘦
那更分飛後
日長簾幙望黃昏
及至黃昏時候
轉銷魂
君還知道相思苦
怎忍拋奴去
不辭迢遞過關山
只恐別郎容易見
郎難

又

深深庭院清明過
桃李初紅破
柳絲搭在玉欄

干簾外瀟瀟微雨做輕寒
晚晴臺榭增明媚
已拚花前醉更闌人靜月侵廊
獨自行來行去
好思量

又

持盃遙勸天邊月
願月圓無缺持盃更復勸花
枝且願花枝長在莫離披
持盃月下花前醉
休問榮枯事此歡能有幾人知
對酒逢花不飲
待何時

一斛珠

洛城春晚垂楊亂掩紅樓半小池輕浪紋如篆
燭下花前曾醉離歌宴自憺風流雲雨散關
山有限情無限待君重見尋芳伴爲說相思目
斷西樓燕

醉落魄

舊刻四首山谷老人云醉醒醒醉
非東坡作刪去○席上呈元紫

分攜如昨人生到處萍飄泊偶然相聚還離索
多病多愁須信從來錯樽前一笑休辭却天

涯同是傷淪落故山猶負平生約西望峨眉長
羨歸飛鶴

又

蘇州閶門畱別○一刻山谷但故山
歸計何時決作故鄉歸路無因得

蒼頭華髮故山歸計何時決舊交新貴音書絕
惟有佳人猶作殷勤別 離亭欲去歌聲咽瀟
瀟細雨涼吹頰淚珠不用羅巾裏彈在羅衣圖
得見時說

又

離京
口作

輕雲微月二更酒醒船初發孤城回望蒼煙合
公子佳人不記歸時節巾偏扇墜藤床滑覺
來幽夢無人說此生飄蕩何時歇家在西南長
作東南別

臨江仙

龍丘子自洛之蜀載二侍女戎裝駿馬至溪山佳處輒留數日見者

以爲異人後十年築室黃岡之北號曰靜菴居士作此贈之

細馬遠馱雙侍女青巾玉帶紅靴溪山好處便
爲家誰知巴峽路却見洛城花面旋落英飛

玉蕊人間春日初斜十年不見紫雲車龍丘新
洞府鉛鼎養丹砂

又

贈
遠

詩句揣來磨我鈍鈍錐不解生鏗歡顏爲我解
冰霜酒闌清夢覺春草滿池塘應念雪堂坡
下老筇年莫採芸香功成名遂早還鄉回車來
過我喬木擁千章

又

龍未離抗至潤
別張嗣秉道

我勸髯張婦去好從來自已忘情塵心消盡道
心平江南與塞北何處不堪行 俎豆庚桑真
過矣憑君說與南榮願聞吳越報豐登君王如
有問結襪賴王生

又

冬日
卽事

自古相從休務日何妨低唱微吟天垂雲重作
春陰坐中人半醉簾外雪將深 聞道分司狂
御史紫雲無路追尋淒風寒雨更駸駸問囚長

損氣見鶴總驚心

又

送王緘

忘却成都來十載，因君未免息壘憑。將清淚灑
江陽故山知好在，孤客自悲涼。坐上別愁君
未見，歸來欲斷無腸。殷勤且更盡離觴。此身如
傳舍，何處是吾鄉。

又

夜到揚州
席上作

尊酒何人懷李白，草堂遙指江東。珠簾十里卷

香風花開花又謝離恨幾千重
輕舸渡江連
夜到一時驚笑衰容語音猶自帶吳儂夜闌相
對處依舊夢魂中

又

九十日春都過了貪忙何處追遊三分春色一
分愁雨翻榆莢陣風轉柳花毬
闌苑先生顏
自責蟠桃動是千秋不知人世苦厭求東皇不
拘束肯爲使君畱

又

風水
洞作

四大從來都遍滿，此間風水何疑。故應爲我發新詩。幽花香澗谷，寒藻舞淪漪。借與玉川生兩腋，天仙未必相思。還憑流水送人歸。層巒餘落日，草露已沾衣。

又

一別都門三改火，天涯踏盡紅塵。依然一笑作春溫。無波真古井，有節是秋筠。惆悵孤帆連

夜發送行淡月微雲尊前不用翠眉顰人生如
逆旅我亦是行人

又

疾愈登望湖樓贈項長官

多病休文都瘦損不堪金帶垂腰望湖樓上
香飄和風春弄袖明月夜聞簫酒醒夢回清
漏永隱牀無限更潮佳人不見董嬌嬈徘徊
花上月空度可憐宵

又

東坡詞

夜飲東坡醒復醉歸來夢歸三
更家童鼻息已
雷鳴敲門都不應倚杖聽江聲
長恨此身非
我有何時忘却營營夜闌風靜
殺紋平小舟從
此逝江海寄餘生

又

冬夜夜寒冰合井面堂明月侵幃
青缸明滅照
悲啼青缸挑欲盡粉淚裊還墜
未盡一尊先
掩淚歌聲半帶清悲情聲兩盡
莫相違欲知腸

斷處梁上暗塵飛

又

贈王友道

誰道東陽都瘦損凝然點漆精神
瑤林終自隔風塵試看披鶴氅
仍是謫仙人省可清言揮
玉麈真須保器全真風流何似
道家純不應同蜀客唯愛卓文君

又

元刻不載

昨夜渡江何處宿望中疑是秦淮
月明誰起笛

中哀多情王謝女相逐過江來
雲雨未成還
又散思鬢好事難諧憑陵急漿兩相催想伊歸
去後應似我情懷

蝶戀花

春景

花褪殘紅青杏子燕子飛時綠水人家繞枝上
柳綿吹又少天涯何處無芳草
牆裏鞦韆牆
外道牆外行人牆裏佳人笑笑漸不聞聲漸悄
多情却被無情惱

飛
作來

又佳
人

一顆櫻桃樊素口不愛黃金只愛人長久學回
鴉兒猶未就眉尖已作傷春皺 撲蝶西園隨
伴走花落花開漸解相思瘦被鏡重圓人在否
章臺折盡青青柳

又

送春

雨過春容清更麗只有離人幽恨終難洗北固
山前三面水碧瓊梳擁青螺髻 一紙鄉書來

萬里問我何年真箇成歸計
白首送春拚一醉
東風吹破千行淚

又

算春別
李公擇

荻蕪無風花自鞦
寂莫聞林柳老櫻桃過落日
多情還照座山青一點橫雲破
路盡河回千
轉柁繫纜漁村月暗孤燈火
憑仗飛魂招楚夢
我思君處君思我

又

密州
上元

燈火錢塘三五夜
明月如霜照見人
如畫帳底
吹笙香吐麝
此般風味應無價
寂莫山城人
老也擊鼓吹簫
乍入農桑社
火冷燈昏
霜露下
昏昏雪意雲垂野

又

密州冬夜文
安國席上作

簾外東風交雨霰
簾裡佳人笑語如鸞燕
深惜今年正月暝
燈光酒色搖金盞
摻鼓漁陽搥
未遍舞榭瓊釵汗
溼香羅軟
今夜何人吟古怨

清詩未就水生硯

又

過連水照
趙晦之

自古漣漪佳絕地
遶郭荷花欲把吳興比
倦客塵埃何處洗
眞君堂下寒泉水
左海門前酤酒市
夜半潮來月下孤舟起
傾蓋相逢拚一醉
雙鳧飛去人千里

又

趙

雲水縈回溪上路
曼曼青山環繞溪東注
月白

沙汀翹宿鷺更無一點塵來處
溪叟相看私自語底事區區苦要爲官去尊酒不空田百畝
歸來分得閑中趣

又
離別

春事闌珊芳草歇客裏風光又過清明節小院
黃昏人憶別落紅處處聞啼鴉
咫尺江山分楚越目斷魂消應是音塵絕夢破五更心欲折
角聲吹落梅花月

又

送潘大臨

別酒勸君君一醉清潤潘郎又是何郎壻記取
釵頭新利市莫將分付東鄰子 回首長安佳
麗地三十年前我是風流帥爲向青樓尋舊事
花枝缺處餘名字

又

同安生日放魚取
金光明經救魚事

泛泛東風初破五江柳微黃萬萬千千縷佳氣
鬱蔥來繡戶當年江上生奇女 一盞壽觴誰

與舉三箇明珠膝上王文度放盡窮鱗看圍
天公爲下曼陀雨

又

下五調俱
元刻不載

記得画屏初會遇好夢驚回望斷高唐路燕子
雙飛來又去紗窗幾度春光暮那日繡簾相
見處低眼佯行笑整香雲縷歛盡春山羞不語
人前深意難輕訴

又

昨夜秋風來萬里月上屏幃冷透人衣袂有客
抱衾愁不寐那堪玉漏長如歲 羈舍畱連婦
計未夢斷魂銷一枕相思淚衣帶漸寬無別意
新書報我添顛顛

又

武刻晏
同叔

玉枕冰寒消暑氣碧簟紗厨向午朦朧睡鸞舌
惺惚如會意無端画扇驚飛起 雨後初涼生
水際人面桃花的的遥相似眼看紅芳猶抱蕊

叢中已結新蓮子

又

雨霰疎疎經潑火巷陌鞦韆猶未清明過杏子
梢頭香蠶破淡紅褪白胭脂凝 苦被多情相
折挫病緒厭厭渾似年時箇遠遍迴廊還獨坐
月籠雲暗重門鎖

又

蝶嬾踴慵春過半花落紅酥小院殘紅滿午醉

未醒紅日晚黃昏
簾幙無人捲
雲鬢新鬆眉
黛淺總是愁媒
欲訴誰消遣
未信此情難繫絆
楊花猶有東風管

荷華媚

荷花

霞苞霓荷碧
天然地別是風流標格
重重青蓋
下千嬌照水好紅紅白白
每恨望明月清風
夜甚低迷不語
妖邪無力終須放
船兒去清香
深處住看伊顏色

漁家傲

金陵賞心亭送王勝之龍圖
上守金陵視事一日後南游

千古龍蟠并虎踞從公一弔興亡處渺渺斜風
吹細雨芳草渡江南父老畱公住公駕飛車
凌彩霧紅鸞驟紫青鸞馭却訝此洲名白鸞非
吾侶翻然欲下還飛去

又

送白守
江郎中

送客歸來燈火盡西樓淡月涼生暈明日潮來
無定準風未穩舟橫渡口重城近江水似知

孤客恨南風爲解佳人慍莫學時流輕久困頻
寄問錢塘江上須忠信

又

皎皎牽牛河漢女盈盈臨水無由語望斷碧雲
空日暮無尋處夢回芳草生春浦 鳥散餘花
紛似雨汀洲蘋老香風度明月多情來照戶但
攬取清光長送入歸去

又

送張元唐
省親秦州

一曲陽關情幾許
知君欲向秦川去
白馬皂貂
畱不住回首處
孤城不見天霖霧
到日長安
花似雨故關楊柳初飛絮
漸見靴刀迎夾路
誰得似風流滕上王文度

又

贈曹光州

些小白鬚何用染
幾人得見星星點
作郡浮光
雖似箭君莫厭也
應勝我三年貶
我欲自嗟
還不敢向來三郡寧
非忝婚嫁事
稀年冉冉知

有漸千鈞重擔從頭減

又

元刻
不載

臨水縱橫回晚鞚
歸來轉覺情懷動
梅笛煙中聞幾弄
秋陰重
西山雪淡雲凝凍
美酒一盃誰與笑
尊前舞雪狂歌送
腰跨金魚旂
旆擁將何用祇堪妝點浮生夢

定風波

十月九日孟亨之置酒秋香亭有
拒霜獨向君猷而開坐客喜笑以

為非使君莫可當
此花故作是詞

兩兩輕紅半暈腮
依依獨爲使君回
若道使君無此意
何爲雙花不向別人開
但看低昂煙雨裏
不已勸君休訴十分盃
更問尊前狂副使
來歲花開時節與誰來

又
三月七日沙湖道中遇雨雨具先去同行皆狼狽余獨不覺已而遂晴故作此詞

莫聽穿林打葉聲
何妨吟嘯且徐行
竹杖芒屨輕勝馬
誰怕一簑煙雨任平生
料峭春風吹

酒醒微冷山頭斜照却相迎回首向來瀟灑處
歸去也無風雨也無晴

又

鍾陽括杜
牧之詩

與客攜壺上翠微江涵秋影雁初飛塵世難逢
開口笑年少菊花須插滿頭歸
。 醕酏但酬佳節了雲嶠登臨不用怨斜暉古往今來誰不老
多少牛山何必更沾衣

又

感
舊

莫怪鴛鴦繡帶長
腰輕不勝舞衣裳
薄倖只貪遊冶去
何處垂楊繫馬恣輕狂
花謝絮飛春又盡
堪恨斷絃塵管伴啼妝
不信歸來但自看
怕見爲郎顛顛却羞郎

又

送元素

千古風流阮步兵
平生遊宦愛東平
千里遠來還不住
歸去空畱風韻照人清
紅粉尊前深懊惱
知道怎生畱得許多情
記得明年花絮亂

須看泛西湖是斷腸聲

又

元豐六年七月六日...
釀白酒大醉葉古句作墨竹詞

雨洗涓涓嫩葉光
風吹細細綠筠香
秀色亂侵書帙晚
簾卷清陰微過酒尊涼
人画竹身肥
擁腫何用先生落筆勝蕭郎
記得小軒岑寂夜
廊下月和疎影上東牆

又

詠紅梅

好睡慵開莫厭遲
自憐冰臉不時宜
偶作小紅

桃杏色閒雅尚餘孤瘦雪霜姿 休把閒心隨
物態何事酒生微暈沁瑤肌詩老不知梅格在
吟詠更看綠葉與青枝

又

余嘗與張子野劉孝叔李公擇陳令舉
楊公素會于英輿時子野作六客詞其
卒章盡道賢人聚英分試問也應有
老人星凡二十五年再過英輿而五人
者皆已亡矣時張仲謀與曹子方劉景
文蘇伯固張萊道爲生客仲謀請作後
六客

詞

月滿茗溪照夜堂五星一老關光芒十五年間

眞夢裏何事長庚對月獨淒涼
綠鬢蒼顏同一醉還是六人吟笑水雲鄉
賓主談鋒誰得似看取曹劉今對兩蘇張

又

王定國欲見詞宗奴姓宇文氏眉目娟
秀善應對家世住京師定國南遷歸余
獨柔廣南風上應是不好柔對曰
定國云處便是吾鄉因爲擬詞云

帶美人間琢玉郎天教分付點酥娘
自作清歌萬里歸來顏
面齒風起雪飛炎海變清涼
萬里歸來顏
面少微笑時時猶帶嶺梅香
試問嶺南應不好

却道此心安處是吾鄉

十拍子

蘇軾

白酒新開九醞黃花已過重陽
身外儻來都似夢醉裏無何
卽是鄉東坡日月長玉粉旋烹
茶乳金盞新搗橙香強染霜髭
扶翠袖莫道狂夫不解狂狂夫
老更狂

蘇軾遮

蘇軾
仙園

暑籠晴風解愠雨後餘清
暗襲衣裾潤一局選

仙逃暑困笑指尊前誰向青霄近
整金盆輪
玉笋鳳駕鸞車誰敢爭先進
重五休言升最緊
縱有碧油到了輪堂印

調笑令

漁父漁父江上微風細雨青簑黃鶯裳衣紅酒
白魚莫歸莫歸莫長笛一聲何處
歸雁歸
雁飲啄江南雨雨將飛却下盤旋塞外春來苦
寒寒苦寒苦蕩舟欲生且住

行香子

密雲龍茶名極爲甘馨宋廖正一
字明畧晚登蘇東坡之門公大奇

之時黃秦晁張號蘇門四學士東坡待
之厚毋來必令侍妾朝雲取密雲龍家
人以此知之一日又命取密雲龍家
人謂是四學士窺之乃廖明略也

綺席纔終歡意猶濃酒闌時高興無窮共誇君
賜初拆臣封看分香餅黃金縷密雲籠 關羸
一水功敵千鍾覺涼生兩腋清風暫畱紅袖少
却紗籠放笙歌散庭館靜略從容

又

寓意

三入承明四至九卿問書生何辱何榮金張七
葉絛綺貂纓無汗馬事不獻賦不明經 成都
卜肆寂莫君平鄭子真巖谷躬耕寒灰炙手人
重人輕除竺乾學得無念得無名

又述

懷

清夜無塵月色如銀酒斟時須滿十分浮名浮
利休苦勞神歎隙中駒石中火夢中身 雖抱
文章開口誑親且陶陶樂盡天真幾時歸去作

箇閒人對一張琴一壺酒一溪雲

又

秋興

涼夜霜風先入梧桐渾無處回避衰容問公何
事不語書空但一回醉一回病一回慵 秋來
庭下光陰如箭似無言有意傷儂都將萬事付
與千鍾任酒花白眼花亂燭花紅

又

冬思

攜手江村梅雪飄裙情何限處處銷魂故人不

見舊曲重聞向望湖樓孤山寺湧金門尋常
行處題詩千首繡羅衫與拂紅塵別來相憶知
是何人有湖中月江邊柳隴頭雲

又

過七里灘

一葉舟輕雙槳鴻驚水天清影湛波平魚翻藻
鑑鷺點煙汀過沙溪急霜溪冷月溪明重重
似画曲曲如屏算當年空老嚴陵君臣一夢今
古虛名但遠山長雲山亂曉山青

又

與泗守過南
山晚歸作

北望平川野水荒灣
芙蓉春飛步羸顏

一作和

風弄袖香霧縈鬟
正酒酣適人語笑
白雲間

飛鴻落照相將歸去
澹娟娟玉宇清閒
何人無事
晏坐空山望長橋
上燈火亂使君還

青玉案

和賀方回韻過伯
圖歸吳中故居

三年枕上吳中路
遺黃耳隨君去
若到松江呼小渡
莫驚鷗鷺四橋盡
是老子經行處
潮川

圖上看春算常記高人右丞句作箇歸期天已
許春衫猶是小蠻針線曾溼西湖雨

帶人嬌

王都尉席
上贈侍人

滿院桃花盡是劉郎未見於中更一枝纖軟仙
家日月笑人間春晚濃睡起驚飛亂紅千片
密意難窺羞容易見平白地爲伊腸斷問君終
日怎安排心眼須信道司空自來見慣

又

贈胡
雲

白髮蒼顏正是維摩境界空方丈散花何礙朱
脣筋點更髻鬟生采這些箇千生萬生只在
好事心腸著人情態閒窗下歛雲凝黛明朝端
午學紉蘭爲佩尋一首好詩要書裙帶

又戲邦

直

別駕來時滿城燈火無數向青瑣隙中偷覩元
來便是芙蓉鸞仙侶方見了管須低聲說與
百子流蘇千枝寶炬人間有洞房煙霧春來何

東坡詞

七十五

汲古閣

事故拋人別處坐望斷樓中遠山歸路

江城子

陶淵明以正月五日遊斜川臨流
班坐頗瞻南阜愛曾城之獨秀乃

作斜川詩至今使人想見其處元豐壬
戌之春余躬耕於東坡築雪堂居之南
挹四望亭之後丘西控北山之微泉慨
然而歎此亦斜川之遊也乃作長短句
以江城子歌之○舊刻十四首改
南來飛燕北掃鴻是秦淮海作劑

夢中了了醉中醒只淵明是前生走遍人間依
舊却躬耕昨夜東坡春雨足烏鵲喜報新晴

雪堂西畔暗泉鳴北山傾小溪橫南望亭丘孤

秀聳曾城都是斜川當日境吾老矣寄餘齡

又

述古去餘杭爲去思者作
○元刻孤竹閣送述古

翠蛾羞黛怯人看掩霜紉淚偷彈且盡一尊收
淚唱陽關謾道帝城天樣遠天易見見君難
畫堂新構近孤山曲欄干爲誰安飛絮落花春
色屬明年欲棹小舟尋舊事無處問水連天

又

湖上與張光同
賦○元刻江景

鳳皇山下雨初晴水風清晚霞明一朶芙蓉開

東坡詞

過尚盈盈何處飛來雙白鷺如有意慕娉婷
忽聞江上弄哀箏苦含情遣誰聽煙歛雲收依
約是湘靈欲待曲終尋問取人不見數峰青

又

龍詞

老夫聊發少年狂左牽黃右擎蒼錦帽貂裘千
騎卷平岡爲報傾城隨太守親射虎看孫郎
酒酣胃膽尚開張鬢微霜又何妨持節雲中何
日遣馮唐會挽雕弓如滿月西北望射天狼

又恨別

天涯流落思無窮
既相逢却匆匆
攜手佳人和淚折
殘紅爲問東風餘幾許
春縱在與誰同
隋堤三月水溶溶
背歸鴻去吳中
回望彭城清泗與淮
通寄我相思千點淚
流不到楚江東

又

冬景

相逢不覺又初寒
對尊前惜流年
風緊離亭冰結淚
珠團雪意留君君且住
從此去少清歡

東坡詞

及古調

轉頭山下轉頭看路漫漫
玉花翻銀海光寬何
處是超然知道故人相念否
攜翠袖倚朱欄

又

大雲有懷米康叔使君亦知使君之念我也作江神子以寄之

黃昏猶是雨纖纖
曉開簾欲平簷江濶天低無
處認青帘孤坐凍吟誰伴我
揩病目撚衰髯

使君畱客醉厭厭
水晶鹽爲誰甜手把梅花東
望憶陶潛雪似故人人似雪
雖可愛有人嫌

又

陳直方妾詒錢塘人也再新詞爲作此錢塘人好唱陌上花緩緩曲余嘗作數

絕以絕

其事矣

玉人家在鳳皇山水雲間掩門閉門外行人立
馬看弓彎十里春風誰指似斜日映繡簾斑
多情好事與君還憫新鰥拭餘潛明月空江香
霧著雲鬟陌上花開看盡也聞舊曲破朱顏

又

十年生死兩茫茫不思量自難忘千里孤墳無
處話淒涼縱使相逢應不識塵滿面鬢如霜

夜來幽夢忽還鄉
小軒窗正梳妝
相顧無言惟
有淚千行
料得年年腸斷處
明月夜短松岡

又

或刻葉夢得
或刻張元幹

銀濤無際卷蓬瀛
落霞剛算雲平
曾見青鸞紫
鳳下層城
二十五絃彈不盡
空感慨惜離情
蒼梧煙水斷歸程
卷霓旌爲誰迎
空有千行流
淚寄幽貞
舞罷魚龍雲海晚
千古恨入江聲

又

前瞻馬耳九仙山碧連天晚雲間城上高臺真
箇是超然莫使匆匆雲雨散今夜裏月嬋娟
小溪鷗鷺靜聯拳去翩翩點輕煙人事淒涼迴
首便他年莫忘使君歌笑處垂柳下矮槐前

又

墨雲拖雨過西樓水東流晚煙收柳外殘陽回
照動簾鉤今夜巫山真箇好花未落酒新芻
美人微笑轉星眸月華羞捧金甌歌扇縈風吹

散一春愁試問江南諸伴侶誰似我醉揚州

又

元刻
不載

膩紅勻臉襯檀脣晚妝新暗傷春手撚花枝誰
會兩眉顰連理帶頭雙□□留待與箇中人

淡煙籠月繡簾陰画堂深夜沉沉誰道□□□
繫得人心一自綠窗偷見後便顛顛到如今

千秋歲

湖州暫米徐
州重陽作

淺霜侵綠髮少仍新沐冠直縫巾橫幅美人憐

我老玉手簪黃菊秋露重眞珠落袖沾餘馥
座上人如玉花映花奴肉蜂蝶亂飛相逐明年
人縱健此會應難復須細看晚來月上和銀燭

何滿子

湖州作

見說岷峨悽愴旋聞江漢澄清但覺秋來歸夢
好西南自有長城東府三人最少西山八國初
平莫負花溪縱賞何妨藥市微行試問當壚
人在否空教是處聞名唱著子淵新曲應須分

外舍情

祝英臺近

惜別

挂輕帆飛急棹還過釣臺路酒病無聊歎枕聽
鳴櫓斷腸簇簇雲山重重煙樹回首望孤城何
處 間離阻誰念縈損襄王何曾夢雲雨舊恨
前歡心事兩無據要知欲見無由癡心猶自倩
人道一聲傳語

一 鼓花

今年春淺臘侵年，冰雪破春妍。東風有信無人見，露微意柳際花邊。寒夜縱長，孤衾易暝，鐘鼓漸清圓。朝來初日半含山，樓閣淡疎煙。遊人便作尋芳計，小桃杏應已爭先。衰病少情疎慵，自放惟愛日高眠。

皂羅特髻

采菱拾翠

采菱拾翠算似此佳名，阿誰消得采菱拾翠稱。使君知客千金買，采菱拾翠更羅裙。滿把真珠

結采菱拾翠正髻鬟初合
真箇采菱拾翠但
深憐輕拍一雙手采菱拾翠繡衾下抱著俱香
滑采菱拾翠待到京尋覓

洞仙歌

柳詠

江南臘盡早梅花開後分付新春與垂柳細腰
肢自有入格風流仍更是骨體清英雅秀永
豐坊那畔盡日無人惟見金絲弄晴晝斷腸是
飛絮時綠葉成陰無箇事一成消瘦又莫是東

風逐君來便吹散眉間一點春皺

又

僕七歲時見眉山老尼姓朱忘其名年九十餘自言嘗隨其師入蜀生孟昶宮中一日大熱蜀主與花羞夫人夜避暑摩訶池上作一詞朱其能記之今四十年朱已死矣人無知此詞者獨記其首兩句暇日尋味豈洞仙歌令乎乃爲之足

冰肌玉骨自清涼無汗水殿風來暗香滿繡簾
開一點明月窺人人未寢欹枕釵橫鬢亂起
來攜素手庭戶無聲時見疎星渡河漢試問夜

如何夜已是三更金波淡玉繩低轉但屈指西
風幾時來又不道流年暗中偷換

勸金船

和元素韻自
撰腦命名

無情流水多情客勸我如曾識盃行到手休辭
却這公道難得曲水池上小字更書年月如對
茂林脩竹似永和節 纖纖素手如霜雪笑把
秋花插尊前莫怪歌聲咽又還是輕別此去翺
翔遍賞玉堂金闕欲問再來何歲應有華髮

意難忘

妓館元
刻不載

花擁鴛房記。颯肩髻小約鬢眉長。輕身翻燕舞。
低語轉鴛簧。相見處便難忘。肯親度。瑤觴向夜。
闌歌翻郢曲。帶換韓香。別來音信難將。似雲
收楚峽。雨散巫陽。相逢情有在。不語意難量。些
箇事。斷人腸。怎禁得。恁惶待與伊移根換葉。試
又何妨。

滿江紅

董義夫名誠自倅蕭得罪歸鄱陽
過東坡於齊安怪其豐暇自得曰

東坡詞

八十三

汲古閣

吾再娶柳氏三日而宮吾固不成戚
而憂柳氏不能忘懷於進退也已而欣
然同憂患如處富貴吾是以益安焉乃
令家僮歌其所作滿江紅東坡嗟歎之

次其
韻

憂喜相尋風雨過一江春綠巫峽夢至今空有
亂山屏簇何似伯鸞攜德耀簞瓢未足清歡足
漸燦然光彩照階庭生蘭玉幽夢裏傳心曲
腸斷處憑他續文君壻知否笑君卑辱君不見
周南歌漢廣天教夫子休喬木便相將左手抱

琴書雲間宿

又

寄鄂州
朱使君

江漢西來高樓下蒲萄深碧猶自帶岷峨雲浪
錦江春色君是南山遺愛守我爲劔外息
歸客對此間風物豈無情慙慙說江表傳君休讀
狂處士真堪惜空洲對鸚鵡葦花蕭瑟獨笑書
生爭底事曹公黃祖俱飄忽願使君還賦謫仙
詩追黃鶴

又

東武會
流孟亭

東武南城新堤固漣漪初溢隱隱遍長林高阜
卧紅堆碧枝上殘花吹盡也與君更向江頭覓
問向前猶有幾多春三之一 官裏事何時畢
風雨外無多日相將泛曲水滿城爭出君不見
蘭亭脩禊事當時座上皆豪逸到如今脩竹滿
山陰空陳迹

又

懷子
出作

清潁東流愁目斷孤帆明滅宦遊處青山白浪
萬重千疊辜負當年林下意對床夜雨聽蕭瑟
恨此生長向別離中添華髮一樽酒黃河側
無限事從頭說相看恍如昨許多年月衣上舊
痕餘苦淚眉間喜氣添黃色便與君池上覓殘
春花如雪

又

正月十三日送
姜安國還朝

天豈無情天也解多情畱客春向暖朝來底事

尚飄輕雪君過春來紆組綬我應歸去耽泉石
恐異時盃酒忽相思雲山隔浮世事俱難必
人縱健頭應白何辭更一醉此歡難覓欲向佳
人訴離恨淚珠先已凝雙睫但莫追新燕却來
時音書絕

滿庭芳

元豐七年四月一日余將自黃移汝畱別雪堂鄰里二三君子會李

仲覽自江東來別遂書以遺之
劉七首攷北苑龍圖是淮海作刪

歸去來兮吾歸何處萬里家在岷峨百年強半

來日苦無多坐見黃州載閨兒童盡楚語吳歌
山中友雞豚社飲相勸老東坡 云何當遠去

人生底事來往如梭待閒看秋風洛水清波好
狂堂前細柳應念我莫剪柔柯仍傳語江南父
老時與鷺漁簑

又

余居黃五年將赴臨汝作滿庭芳一篇
以別黃人既至南都蒙恩放歸陽羨復

作一

篇

歸去來兮清溪無底上有千仞嵯峨画橋西畔

天遠夕陽多老去君恩未報空回首彈鋏悲歌
船頭轉長風萬里歸馬駐平坡無何何處是
銀潢盡處天女停梭問人間何事久戲風波顧
問同來釋子應爛汝腰下長柯青衫破羣仙笑
我千縷挂煙蓑

又

佳
人

香鬢雕盤寒生水筋画堂別是風光主人情重
開宴出紅妝膩玉圓慙素頸藕絲嫩新織仙裳

雙歌罷虛欄轉月餘韻尚悠颺
人間何處有
司空見慣應謂尋常坐中有狂客惱亂愁腸報
道金釵墜也十指露春筍纖長親曾見全勝宋
玉想像賦高唐

又

或注
警悟

蝸角虛名蠅頭微利算來著甚乾忙事皆前定
誰弱又誰強且趁閒身未老儘放我些子疎狂
百年裏渾教是醉三萬六千場
思量能幾許

憂愁風雨一半相妨又何須抵死說短論長幸
對清風皓月苔茵展雲幙高張江南好千鍾美
酒一曲滿庭芳

又

有王長官者棄官三十三年黃人謂
之王先生因送陳慥來過余因賦

三十三年今誰存者算只君與長江凜然蒼檜
霜韃苦難雙聞道司州古縣雲溪上竹塲松窗
江南岸不因送子寧肯過吾邦 縱縱疎雨過
風林舞破煙蓋雲幢願持此邀君一飲空缸居

士先生老矣真夢裏相對殘缸歌舞斷行人未
起船鼓已逢逢

又

余年十七始與劉仲達在來干眉山冷
年四十九相逢于泗上洛水淺凍久置
郡中晦日同遊南山
話舊感歎因作此詞

三十三年漂流江海萬里煙浪雲帆故人驚怪
顛顛老青衫我自疎狂異趣君何事奔走塵凡
流年盡窮途坐守船尾凍相銜 嚙嚙淮浦外
層樓翠壁古寺空崑步攜手林間笑挽纖纖莫

上孤峯盡處縈望眼雲水相攙家何在因君問
我歸步遶松杉

水調歌頭

法惠亭作

落日繡簾捲亭下水連空知君爲我新作窗戶
瀝青紅長記平山堂上欹枕江南煙雨杳杳沒
孤鴻認得醉翁語山色有無中 一千頃都鏡
淨倒碧峰忽然浪起掀舞一葉白頭翁堪笑蘭
亭公子未解莊生天籟剛道荷雌雄一點浩然

氣千里快哉風

又

余去歲在東武作水調歌頭以寄子由今年子由相從彭城百餘日過中秋而去作曲以別余以其語過悲乃爲和其意以不早退爲戒以退而相從之樂

爲慰

云耳

安石在東海從事鬢驚秋中年親友難別絲竹
緩離愁一旦功成名遂準擬東還海道扶病入
西州雅志因軒冕遺恨寄滄洲歲云暮須早
計要褊裘故鄉歸去千里佳處輒遲留我醉歌

時君和醉倒須君扶我惟酒可忘憂一任劉玄
德相對臥高樓

又

丙辰中秋欲飲遠旦大
醉作此篇兼懷子由

明日幾時有把酒問青天不知天上宮闕今夕
是何年我欲乘風歸去又恐瓊樓玉宇高處不
勝寒起舞弄清影何似在人間 轉朱閣低綺
戶照無眠不應有恨何事長向別時圓人有悲
歡離合月有陰晴圓缺此事古難全但願人長

久千里芙蓉娟

又

歐陽文忠公嘗問余琴詩何者最善余以退之穎師琴詩最善公曰此詩最奇

麗然非聽琴乃聽琵琶也余深然之建安章質夫家善琵琶者乞爲歌詞余久

不作特取退之詞稍加

際括使就聲律以遺之

昵昵兒女語燈火夜微明
恩冤爾汝來去彈指
淚和聲忽變軒昂勇士一鼓填然作氣千里不
畱行回首暮雲遠飛絮攪青冥
衆禽裏真彩
鳳獨不鳴躋攀寸步千險一落百尋輕煩子指

間風雨置我腸中冰炭起坐不能平推手從婦
去無淚與君傾

又

子由徐州
中秋作

離別一何久七度過中秋去年東武今夕明月
不勝愁豈意彭城山下同泛清河古汴船上載
涼州鼓吹助清賞鴻雁起汀洲坐中客翠羽
被紫綺裘素娥無賴西去曾不爲人畱今夜清
尊對客明夜孤帆水驛依舊照離憂但恐同王

絮相對永登樓

雨中花慢

初至密州以旱蝗齎素者累月方春牡丹盛開不獲一賞至九

月忽開千葉一朶

雨中爲藍湖作

今歲花時深院盡日東風蕩漾茶煙但有綠苔
芳草柳絮榆錢聞道城西長廊古寺甲第名園
有國豔帶酒天香染袂爲我畱連 清明過了

殘紅無處對此淚灑尊前秋向晚一枝何事向
我依然高會聊追短景清商不假餘妍不如畱

取十分春態付與明年

又

元刻
通

邃院重簾何處惹得多情愁對風光睡起酒闌
花謝蝶亂蜂忙今夜何人吹笙北嶺待月西廂
空悵望處一株紅杏斜倚低牆羞顏易變傷
人先覺到處被著猜防誰信道些兒恩愛無限
淒涼好事若無間阻幽歡都是尋常一般滋味
就中香美除是偷嘗

又

元刻
逸

嫩臉羞蛾因甚化作行雲却返巫陽但有寒燈
孤枕皓月空牀長記當初乍諧雲雨便學鸞皇
又豈料正好三春桃李一夜風霜丹青画無
言無笑看了謾結愁腸襟袖上猶存殘黛漸減
餘香一自醉中忘了奈何酒後思壘算應負你
枕前珠淚萬點千行

八聲甘州

寄參
寥子

東坡詞

九十二

汲古閣

有情風萬里卷潮來無情送潮歸問錢塘江上
西與浦口幾度斜暉不用思量今古俯仰管人
非誰似東坡老白首忘機 記取西湖西畔正
暮山好處空翠煙霏算詩人相得如我與君稀
約他年東還海道願謝公雅志莫相違西州路
不應回首爲我沾衣

醉蓬萊

重九上
君獻

笑勞生一夢羈旅三年又還重九華髮蕭蕭對

荒園搔首賴有多情好飲無事似古人賢守歲
歲登高年年落帽物華依舊此會應須爛醉
仍把紫菊茱萸細看重嗅搖落霜風有手栽雙
柳來歲今朝爲我西顧酌羽觴江口會與州人
飲公遺愛一江醇酎

三部樂

情景

美人如月乍見掩萼雲更增妍絕算應無恨安
用陰晴圓缺嬌甚空只成愁待下床又嬾未語

先咽數日不來落盡一庭紅葉 今朝置酒強
起問爲誰減動一分香雪何事散花却病維摩
無疾却低眉慘然不啻唱金縷一聲怨切堪折
便折且惜取少年花發

念奴嬌

赤壁懷古

大江東去浪淘盡千古風流人物故壘西邊人
道是三國周郎赤壁亂石穿空驚濤拍岸捲起
千堆雪江山如畫一時多少豪傑 遙想公瑾

當年小喬初嫁了，雄姿英發，羽扇綸巾，談笑間，
檣櫓灰飛煙滅。故國神遊，多情應笑我，早生華
髮。人間如夢一尊還酹江月。

又

中秋

憑高眺遠，見長空萬里，雲無畱迹。桂魄飛來光
射處，冷浸一天秋碧。玉宇瓊樓，棄鸞來去，人在
清涼國。江山如畫，望中煙樹，歷歷。我醉拍手
狂歌舉盃邀月，對影成三客。起舞徘徊風露下，

今夕不知何夕便欲棄風翻然歸去何用騎鵬
翼水晶宮裏一聲吹斷橫笛

水龍吟

晉謝自然微過海求師蓬萊至海
中或謂自然蓬萊隔弱水三十萬

里不可到天台有司馬子微身居赤城
名在絳闕可往從之自然乃還受道于
子微白曰仙去子微嘗坐忘論七篇樞
一篇年百餘將終謂弟子曰吾居玉霄
峰東望蓬萊嘗有真靈降焉今爲東海
青童君所召乃蟬脫而去其後李太白
作大鵬賦云嘗見子微于江陵謂余有
仙風道骨可與神遊入極之表元豐七
年冬予過臨淮而湛然先生梁公在焉
童顏清徹如二三十許人然人亦有自

少見之者善吹鐵笛嘹然有穿雲烈日
之聲乃作水龍吟一首記子微太白之
事尚其聲

而歌之

古來雲海茫茫蓬山絳闕知何處人間自有赤
城居士龍蟠鳳舉清淨無爲坐忘遺照八篇奇
語向玉霄東望蓬萊掩靄有雲駕驂風馭行
盡九州四海笑紛紛落花飛絮臨江一見謫仙
風采無言心許八表神遊浩然相對酒酣箕踞
待垂天賦就騎鯨路穩約相將去

又

嶺南太守閻丘公顯致仕居姑蘇東坡

毋過必雷連嘗言過姑蘇不遊虎丘不謂閻丘乃二欠事其重之如此一日出其後房作酒有楚卿者甚有才色善吹笛因作水龍吟贈之云贈趙嘏之吹笛侍兒

楚山脩竹如雲異材秀出千林表龍鬚半剪鳳
膺微漲玉肌勻繞木落淮南雨晴雲夢月明風
襲自中郎不見相伊去後知羣負秋多少聞
道嶺南太守後堂深綠珠嬌小綺窗學弄梁州
初遍霓裳未了噲徽含宮泛商流羽一聲雲杪

爲使君洗盡蠻風瘴雨作霜天曉

又

次韻章質夫楊花詞

似花還似非花也無人惜從教墜拋街傍路
息
豔却是無情有思縈損柔腸困酣嬌眼欲開還
閉夢隨風萬里尋郎去處又還被鶯呼起不
恨此花飛盡恨西園落紅難綴曉來雨過遺蹤
何在
一池萍碎春色三分二分塵土一分流水
細看來不是楊花點點是離人淚

又

閻丘大夫孝直公顯嘗守黃州作樓霞樓爲郡中勝絕元豐五年予謫居於黃

正月十七日夢扁舟渡江中流回望樓中歌樂雜作舟中人言公顯方會客也

覺而異之乃作此詞公

顯時已致仕在蘇州

小舟橫截春江臥看翠壁紅樓起雲間笑語使
君高會佳人半醉危柱哀絃豔歌餘響遶雲縈
水念故人老大風流未減獨回首煙波裏推
枕惘然不見但空江月明千里五湖聞道扁舟
歸去仍攜西子雲夢南州武昌南岫筇遊應記

料多情夢裏端來見我也參差是

又

元刻
不載

小溝東接長江柳堤葦岸連雲際煙村瀟灑人
間一闕漁樵早市永晝端居寸陰虛度了成何
事但絲尊玉藕珠杭錦鯉相畱戀又經歲因
念浮丘舊侶慣瑤池羽觴沉醉青鸞歌舞銖衣
搖曳壺中天地飄墮人間步虛聲斷露寒風細
抱素琴獨向銀蟾影裏此懷難寄

又詠雁○元
刻不載

露寒煙冷蒹葭老
天外征鴻寥唳銀河秋晚長
門燈悄一聲初至應念瀟湘
听遙人靜水多菰
米望極平田徘徊欲下依前
被風驚起須信
衡陽萬里有誰家錦書遙寄
萬里雲外斜行橫
陣纔疎又綴仙掌月明石頭
城下影搖寒水念
征衣未搗佳人拂杵有盈盈
淚

歸朝歡

舊刻歸朝歡○公嘗有詩與蘇伯固其序曰曾有九江與蘇伯固唱

和其略曰我夢扁舟浮震澤雪浪橫江
千頃白覺來滿眼是廬山倚天無數開
青壁蓋實夢也然公詩復云扁舟
震澤定何時滿眼廬山覺又非

我夢扁舟浮震澤雪浪搖空千頃白覺來滿眼
是廬山倚天無數開青壁此生長接浙與君同
是江南客夢中遊覺來清賞同作飛梭擲 明
日西風還挂席唱我新詞淚沾臆靈均去後楚
山空澧陽蘭芷無顏色君才如夢得武陵更在
西南極竹枝詞莫搖新唱誰謂古今隔

永遇樂

寄孫巨源

長憶別時景疎樓下明月如水美酒清歌畱連
不住月隨人千里別來三度孤光又滿冷落共
誰同醉捲珠簾淒然顧影共伊到明無寐 今
朝有客來從淮上能道使君深意憑仗清淮分
明到海中有相息淚而今何在西垣清禁夜永
雲華侵被此時看迴廊曉月也應暗記

又

夜宿燕子樓夢夢明因作此詞
一云徐州夢覺止登燕子樓作

明月如霜好風如水清景無限曲港跳魚圓荷
瀉露寂莫無人見沈沈三鼓飄然一葉黯黯夢
雲驚斷夜茫茫重尋無覓處覺來小園行遍
天涯倦客山中歸路望斷故園心眼燕子樓空
佳人何在空鎖樓中燕古今如夢何曾夢覺但
有舊歡新怨異時對南樓夜景爲余浩歎

又

眺望○時
刻不載

天末山橫半空簫鼓樓觀高起指點裁成東風

滿院總是新桃李綸巾羽扇一尊飲罷目送斷
鴻千里攬清歌餘音不斷縹緲尚縈流水年
來自笑無情何事猶有多情遺思綠鬢朱顏匆
匆拚了却記花前醉明年春到重尋幽夢應在
亂鴛聲裏拍闌干斜陽轉處有誰共倚

無愁可解

國士范日新作越詞解愁雅陽
劉九伯壽聞而脫之戲作俚語

之詩天下傳詠以謂幾於達者龍丘子
猶笑之此雖免乎愁猶有所解也者天
遂於自然而託於不得已人樂亦樂人
愁亦愁彼且惡乎解哉乃反其詞作無

愁可
解

光景百年看便一世生來不識愁味問愁何處
來更開解箇甚底萬事從來風過耳何用不著
心裏你喚做展却眉便是達者也則恐未此
理本不通言何曾道歡遊勝如名利道則渾是
錯不道如何卽是這裏元無我與你甚喚做物
情之外若須待醉了方開解時問無酒怎生醉

沁園春

孤館燈青野店雞號旅枕夢殘漸月華收練晨
霜耿耿雲山摘錦朝露溥溥世路無窮勞生有
限似此區區長鮮歡微吟罷凭征鞍無語往事
千端 當時芙蓉長安似二陸初來俱少年有
筆頭千字胸中萬卷致君堯舜此事何難用舍
由時行藏在我袖手何妨閒處看身長健但優
游卒歲且鬪尊前

賀新郎

余倅抗日府僚湖中高會羣妓畢
集惟秀爾不來營將督之再三乃

來僕問其故。會曰沐浴倦臥。忽有扣門聲。急起詢之。乃營將催督也。整妝趨命。不覺稍遲。時府僚有屬意於蘭者。見其不來。甚恨不已。云必有私事。秀蘭含淚力辯。而僕亦從旁冷語。陰爲之解。府僚終不釋然也。適榴花開盛。秀蘭以一枝藉手獻座中。府僚愈怒。責其不恭。秀蘭進退無據。但低首垂淚而已。僕乃作一

曲名賀新涼。今秀蘭歌以侑觴。

聲容妙絕。府僚大悅。劇飲而罷。

乳燕飛華屋。悄無人。桐陰轉午。晚涼新浴。手弄生綃白團扇。扇手一時似玉。漸困倚孤眠。清熟簾外。誰來推繡戶。枉教人夢斷。瑤臺曲。又却是

風敲竹 石榴半吐紅巾感待浮花浪蕊都盡
伴君幽獨穠豔一枝細看取芳心千重似束又
恐被秋風驚綠若待得君來向此花前對酒不
忍觸芙蓉粉淚兩軟軟

稍遍

同賦明賦歸去來有其詞而無其聲
余居東坡華雪堂于上人告笑其陋

獨鄙陽董毅夫過而悅之有卜隣之意
乃取歸去來詞稍加矜括使就聲律以
遺毅夫使家僮歌之時相從于東坡擇
耒而和之扣牛角而爲之節不亦樂乎

爲米折腰因酒棄家口體交相累歸去來誰不

遣君歸覺從前皆非今是露未晞征夫指予歸
路門前笑語喧童稚嗟舊菊都荒新松暗老吾
年今已如此但小窗容膝閉柴扉策杖看孤雲
暮鴻飛雲出無心鳥倦知還本非有意噫歸
去來兮我今忘我兼忘世親戚無浪語琴書中
有真味步翠麓崎嶇泛溪窈窕涓涓暗谷流春
水觀草木欣榮幽人自感吾生行且休矣念寓
形宇內復幾時不自覺皇皇欲何之委吾心去

畱誰計神仙知在何處富貴非吾願但知臨水
登山嘯詠自引壺觴自醉此生天命更何疑且

藥流遇坎還止

其詞蓋世所謂服臈之稍通也
服臈龜茲語也華言爲五聲蓋

羽聲也於五音之次爲第五今世作般涉誤矣
稍通三疊每疊加促字當爲稍讀去聲世作哨
或作步
皆非是

又

春詞

睡起畫堂銀蒜押簾珠幙雲垂地初雨歇洗出
碧羅天正溶溶養花天氣一霎暎風廻芳草榮

光浮動卷皺銀塘水方杏靨勻酥花鬢吐繡圍
林翠紅排比見乳燕捎蝶過繁枝忽一綫爐香
逐遊絲畫永人閒獨立斜陽晚來情味 便棄

興攜將佳麗深入芳菲裏撥胡琴語輕攏慢撚
總伶俐看緊約羅裙急趨檀板霓裳入破驚鴻
起顰月臨眉醉霞橫臉歌聲悠揚雲際任滿頭
紅雨落花飛墜漸鳩鵲樓西玉蟾低尚徘徊未
盡歡意君看今古悠悠浮幻人間世這些百歲

東坡詞

一三三

汲古閣

光陰幾日三萬六千而已醉鄉路穩不妨行但
人生要適情耳

戚氏

此詞評敘穆天子西王母事世不知所謂遂謂非東坡作李端叔跋云東

坡在山中燕席間有歌戚氏詞者坐客言詞美而詞不典以請于公公方觀山詩經即報其非為題使妓再歌之隨其各填寫歌竟篇就纔點定五六字而已

玉龜山東皇靈姬統羣仙絳闕岩巖翠房深迴
倚霏煙幽閒志蕭然金城千里鎖嬋娟當時穆
滿巡狩翠華曾到海西邊風露明霽鯨波極目

勢浮輿蓋方圓正迢迢麗日玄圃清寂瓊草芊
綿爭解繡勒香鞵鸞輅駐蹕八馬戲芝田瑤
池近画樓隱隱翠鳥翩翩肆率筵口間作管鳴
絃宛若帝所鈞天稚頭皓齒綠髮方腫圓極恬
淡高妍盡倒瓊壺酒獻金鼎藥固大椿年縹
緲飛瓊妙舞命雙成奏曲醉畱連雲璈韻響瀉
寒泉浩歌暢飲斜月低河漢漸漸倚霞天際紅
深淺動歸思迴兮塵寰爛熳遊玉輦東還杏花

風數里響鳴鞭望長安路依稀柳色翠點春妍
東坡詩文不當千億列獨長短句宗見近
有金陵本可人爭喜其詳備多渾入歐黃
秦柳作今志州去其甚詞品之工壯州魯
直文階端似平自有乞評方廣毛音紀

東坡詞

終